

埤埭山房詩鈔

埽垢山房詩鈔第三卷目錄

無題八首

無題八首

無題八首

無題八首

同人集樂善菴分咏揚州古蹟得天心敦

題家西崖黃山讀書齋

齋爲其閨人吳正肅所畫

桃花菴卽事呈西崖大師七首

題王一齋師遺集

東臺丁畏堂遭謗繫郡作詩慰之

中秋食物八詠

蟹 鱸 芋 蓂 柿 藕 餅 餠

余伯符重過揚州感贈四律並哭令弟少

雲

朱立堂過訪贈詩次韻畱之

大雪疊前韻

東坡先生生日三疊前韻

坐城隅草堂觀朱崔巢作畫四疊前韻

埽垢山房詩鈔第三卷

甘泉黃文暘

無題

美人香草思悠悠  
冶葉倡條未是愁  
金屋深還容秣馬  
銀河遠自屬牽牛  
三千弱水波原潤  
十二巫峯夢豈休  
昨夜月明風定後  
簫聲隱約出秦樓

予懷渺渺繫相思  
千樹桃花爛漫時  
只合錦

鱗名比目忍將寶鳳號長離蕉心剝綠三秋  
老燭淚垂紅五夜遲今日簷梅消息近一枝  
誰與寄天涯

桃葉桃根未是親年來剩得恨無垠樓居西  
北天終遠日出東南愁又新況復尊前逢細  
雨那堪病裏度芳晨相看世上多謠詠含意  
人間未敢申

一夕薰籠擁繡衾十年幽恨摠相尋書傳烏

鰌鐙將燼誓想黃龍漏已沉賣賦有金聊縱  
酒寄情無路欲焚琴也知命薄原如帚只是  
難降夜夜心

長嘯徘徊奈若何酒闌燭跋枉悲歌敢從珠  
閣偷香麝合向金屏貼粉蛾月幌烟樓春意  
杳桂梁蘭室夢游多驚心節序頻相惱明夕  
雙星又渡河

臨風無計更留仙辜負迎秋簾色鮮櫻筍時

光思往事梧桐池館泣今年持膠無自能投  
漆煉粉何從再化鉛怪爾蘭心原匪石忍教  
明月不常圓

觸忤閒愁又一回相思終是未成灰暗排甲  
子尋三合托守庚申候再來花徑傳聲人獨  
立月窓疑影戶頻開瓊籤五轉心千轉剩得  
蘭煤與麝煤

抹綠抽紅色色新蜂喧蜨鬧過花晨寄愁天



上原無地索笑人間未有因研裏鴛鴦留幻  
影夢中蝴蝶認前身楞嚴一卷歸清淨十載  
枯禪脫世塵

無題

兒家住在莫愁湖身價從來一斛珠每笑神  
妃工解珮却羞卓女會當壚愛纏臂上金條  
脫怕看車前玉唾壺碧綺小窓慵不啟沉香  
細爇博山鑪

閒看錦瑟思華年挑盡蘭燈夜未眠綺帶同心猶有結綵絲續命豈無緣縣從何地名聞喜人在深閨號小憐不信東華錄上事文簫有配亦神仙

裊裊風吹滿路香淒清鍼線嬾開箱花間箭袖調鸚鵡月下弓鞋踏鳳凰怪爾春催花爛漫笑他雲爲月相羊王昌正在東家住燕子拖烟又過牆

青春寂寂鎖侯門  
淚掩輕衫濕舊痕  
雙的爲容空著意  
六安有枕亦驚魂  
翠梳自遣淒涼夜  
錦段誰將繾綣恩  
燈火不明香又燼  
更無人與說溫存

寵蕙嬌蘭別樣羞  
小欄曲幙鎖閒愁  
步殘明月頻憐影  
拈遍名花嬾上頭  
不教心期成浪擲  
暫同眉語亦風流  
燕鶯自解扶春事  
逐雨呼晴莫信鳩

水晶簾下玉玲瓏繡閣深深語未通紫燕飛  
還珠箔外烏龍曉穩錦裯中黃勻半額初移  
鏡綵刺雙鍼自嚙絨爲底啼妝掩團扇惱人  
春色已融融

笙囊繡罷漫披帷月魄花魂賺阿誰紅藥闌  
前開灼灼青梅葉底影離離香燒栢子人初  
倦漏轉蓮花顚獨支莫把歌聲驚宿鳥夜深  
曉穩最高枝

香銷燈燼火猶溫長夜厭厭獨掩門月轉一  
輪靜碧落人敲孤枕遣黃昏又開綺戶拋金  
鋪却剔銀缸倒玉尊蠲忿堦前空有樹枝枝  
葉葉摠消魂

無題

月姊星娥共儼然華筵記得會神仙纏絲紅  
淚空相憶潦倒青衫劇可憐肯把文章干狗  
監還餘條脫慰羊權春來怕共東風語吹落

桃花又柳棉

月午花深一段狂  
新傳消息過紅牆  
黃金有價羞爲屋  
碧玉迴身欲抱郎  
夜靜不聞喧鳥雀  
春融只許睡鴛鴦  
相逢但恐輕相棄  
問道相思最斷腸

碧月原從海上來  
誰將玉漏急相催  
雙心空剩攢眉結  
並口難尋促膝盃  
江永何妨魚作媵  
情深枉倩鴂爲媒  
唧愁慢撥爐中火  
待與

愁心共作灰

瓊樓十二散氤氲心比爐烟撥便勞不信姮娥偏入月最憐楚女只爲雲種成蕙草思香珮開到榴花憶舞裙怪底鑿天剩河漢離愁似水本難分

底事關心不自支花前長咏四愁詩團圞未必人如月憔悴先教鬢作絲翠水遠環王母宅青溪遙隔小姑祠只今剩有吳綾帕隱約

還能認口脂

闌刪春老枕幽單空剩春情欲起難雨細風  
斜花欲落夢圓酒渴簞生寒常愁紅日朝朝  
墮擬把朱絃夜夜彈懷袖空餘錦字在傷心  
不忍又重看

花前無奈只高歌玉洞春迷難再過舊笑疑  
隨流水去新愁似較柳絲多青燈屋裏心如  
許紅粉樓中意若何縱是長松執高節可能



分影庇柔蘿

一番回首一淒其  
雀怨猿猜不可支  
綠柳未曾青  
眼日黃梅已是赤  
心時只今春意深如  
海底事花前淚似絲  
好把閒愁收拾盡  
抽紅抹紫看離披

無題

丹唇星的若爲工  
無那閒愁寶鏡中  
貞守十年畏曉露  
坐留三日憶春風  
芙蓉水底還餘

影蓮子房中半是空子夜莫聽歌艷曲團團  
月又上梧桐

珊瑚鞭掛紫騮駒慣送檀郎入狹斜桃李倡  
家原有樹菖蒲蕩子又開花蝦鬚簾捲聽朝  
雨龜甲屏開怨暮霞手注蘭膏挑雁足背人  
取影上窻紗

零露漙漙思不禁江頭日望遠人音荷花漫  
道如郎面蓮子須知是妾心鷗鷺忘機偏自

適駕鵞有約未堪尋可憐極目無消息帆影  
參差亂遠林

封侯何必定遼西妾有深情眉暗低門外蕭  
蕭嘶駿馬床頭喔喔唱金鷄羞言畫閣調琴  
瑟聞說邊關振鼓鼙寄語行人行不得綠楊  
聽取子規啼

羞誇李艷與桃穠描就雙蛾闌遠峯愛把名  
香焚睡鴨戲梳寶髻學盤龍綺羅寂寂春宵

永珠翠盈盈花氣濃無語低頭結裙帶蘭閨  
今日又春慵

玳瑁燒殘剩病身金釵翠鈿摠生塵五陵烟  
月能留客三輔笙簫最可人漫掃愁眉憑鳳  
竹枉裁恨字寄龍津刀頭那信當年約開到  
荼蘼又一春

柳花飛落柳綿彫化作浮萍逐暮潮濯濯王  
恭空弄影依依張緒合憐腰妾來不解絲千

縷郎去曾攀枝一條今日舊痕無覓處東風  
送雨晚蕭蕭

晨香午夢兩匆匆纔過殘更又曉風夜月吟  
成頭欲白好花落盡豆初紅枕痕怕看空床  
上淚粉羞窺寶鑑中新學愁妝妝不得可憐  
雙鬢已飛蓬

同人集樂善菴分咏揚州古蹟得天心

墩

吾聞周天一百七萬一千里誰爲測量得其  
中圍三徑一布筭密四游之極求終窮直徑  
三十五萬七千里折半赤道分春冬天樞地  
軸勢相應敦邱巍然淮之東長淮湯湯東到  
海海外九州何其雄陋儒徒爲方隅限此敦  
可以破昏蒙逸事曾讀幽怪錄神仙游戲飛  
虛空開元天子携坐部雲中奏曲何雍容六  
龍正駐天心處手披雲漢窺塵踪竹西士女

瞻神異夾道再拜齊呼嵩以事名地誌靈蹟  
流傳千載無異同至今歌吹甲天下過雲之  
響驚蒼穹我家正在敦丘下呼吸或與帝座  
通抑鬱半生不稱意擬上茲敦問天公

題家西崖黃山讀書齋

齋爲其閨人吳  
靜嫺所畫

我有山妻耽吟咏與君閨中共情性我有故  
廬黃山阿去君書堂路無多我有長鑱白木  
柄可以與君托性命不如結伴歸去來振衣

直上軒轅臺層雲盪胸心目開抗手高揖謝  
塵埃山中物力何其豐驅鶴成騎猿爲僮山  
中旨蓄何所有煮石爲糧松釀酒況復松根  
多茯苓白雲深處有黃精神仙上藥何芳馨  
飽食歸來誦黃庭蕭史弄玉原不死劉綱夫  
婦皆長生如此勝境不歸去胡爲城市空伶  
仃還君圖畫與君約收拾琴書便行脚世間  
那有伯通廬我輩只合在邱壑



桃花菴卽事呈西崖大士

一春蹤跡常皈佛半世飄零只賃春亂摘桃  
花煮作飯笑他人聽木蘭鐘

碧蕙香中僧作畫

謝

綠楊影裏客填詞

程時

齋

茶烟一縷花千片坐到揚州月上時

好花先破青春夢亂冢同叅白骨禪不用阿  
師施棒喝着衣吃飯是因緣

蒼黃亂踏三春雨黑白閒爭一局棋感激多

情有華二

篠塘

酒期花約每先知

春秋花總因風落今古人都受墨磨說盡興

亡抵說法青蓮生舌葉英多

秀才善評話一時有柳敬亭之

目

尋芳逐蜨花盈袖約伴聽鶯柳拂舟記曲最

憐樊素口櫻桃樹下說春愁

顧阿蘭

流水夕陽催作達落花啼鳥會談空儒門淡

泊難收拾便學泉明伴遠公

題王一齋師遺集

諱世錦廿  
泉明經

清氣常留天地間，性靈炯炯照文關。  
花經秋雨開生面，人坐春風憶舊顏。  
六子詞章輸白

戰

同時名流徵師文刻竹西六  
子集師厭其浮華力辭不與

五丁力氣闢

青山堦前剩得雙桐樹

師主竹西書院講席  
手植雙桐今已成圍

百尺亭亭不可攀

東臺丁畏堂遭謗繫郡作詩慰之

浮雲幻海不關愁，海上風波是舊遊。  
水母只

將蝦作目士人都識蜃爲樓三緘終是藏身  
訣百煉纔成繞指柔難弟難兄好酬唱任他  
呼馬與呼牛

中秋食物八詠

蟹

直以秋爲命逢秋骨自支側身嗟偃仄托足  
每差池豈借濡吻潤能成解脫奇雌黃隨衆  
口辛苦一鎗知

鱸

江水清如此鄉心遠不違直釣求未得長鋏  
事全非秋白能成色雲腴不解肥歸休真有  
味何似早知機

芋

長鑱吾托命一飯舉家清趣本同菰米甘能  
似稻秔細搏雲作子爛煮石爲羹領取山中  
意寒灰半夜情

蔭

風波原不惡  
薜若莫疑猜  
承露盤偏小  
當歌調易哀  
一江花照面  
六出雪爲胎  
蓂莢休相笑  
模稜太不才

柿

莫漫悲搖落  
顏顏學弄丸  
甘猶供齒冷  
生久耐眉攢  
色味炎涼異  
風霜日月寬  
剗方痕跡在  
圓熟本來難

藕

不須身剖露渾脫自玲瓏  
節以泥塗見絲能宛轉  
通花顏全托命蓮性本歸空  
讓爾烟波濶菰蘆一夜風

餅

寫出團欒意風流憶餅師  
羅疎能屑玉酥潤喜凝脂  
月殿孤眠夜蘭閨獨拜時  
深盟勒十字鄭重記恩私

餤

剩有糗糧在簫聲直到秋本如霜雪潔自比  
漆膠投何事因人熱甘爲繞指柔還思啖蔗  
尾佳境足淹留

余伯符重過揚州感賦四律並哭令弟  
少雲

西風吹爾過揚州又作浮生十日游短夢長  
歌都帶淚黃花青鬢各爭秋繭絲笑我空成



結蟬蛻輪他善寄愁謂少留得陸機形影在

獨將詞賦壓名流

柴門終日對青天貧賤年來漸自然方志何

堪分史席時予與邵二雲先生有邑乘之役吳歛只合供歌

筵予年來受離使之聘校改元明呈故人恍惚

成新識前劫依稀記舊緣太息生平良會少

萍蹤過眼等雲烟

聯袂龍門謁鉅公姚姬傳飛揚爭作出羣雄

夫子

漫言裘馬輕肥異，剩得鬚眉爾我同一笑。  
相逢殊草草，半生作客本匆匆。最憐獨茹千秋  
淚，怕看尊中琥珀紅。

萬里途程萬卷書，聲華值得重璠璣。囊收五  
嶽添行軸，門鎖三江愛故廬。列鼎功名才自  
稱，去聲對床風雨願終虛。茫茫生死都成客，夢  
裏同來問起居。

朱立堂過訪贈詩依韻酬之

生駒一蹶轅終破老驥下坂如安坐經濟須  
從閱歷來安用空言萬口播舉世悠悠薄老  
成標榜虛名畏規過埋頭半世厭浮囂深閉  
柴門塵積座高軒忽過典型來飽德竟忘糠  
覈餓菽粟味真布帛煖何須珠玉誇才大晤  
言盡愜生平心如水習坎九歸垓授經不開  
治事齋當時要務憑誰作體經爲用經術宏  
說經成訟經義挫紛紛馬首投行卷傳食諸

侯養游情惟有先生體用兼隱然宰相山中  
臥考古必求今可用索貫散錢穿箇箇車騎  
填門聘幣陳名卿列伯都虛左黃金脫手不  
自惜白壁持身誰敢浼遍游粲戟清有餘偏  
愛蓬繩樂無那且藉推猷消歲寒原無騷屑  
須歌些君如酒醴宜鼎鉉應列明堂左右个  
我如藜藿混尊俎君偏嗜之不鄙唾若築詩  
壇拜大將君建旗鼓我爲佐直探驪龍領下

珠不許燕雀堂前賀君本餘事作詩人耽吟  
我竟成清課枯坐年來病軟脚欲藉參苓起  
痿痺我本粗才堅且頑磨治反藉玉相磋白  
鹿教法本家法願君提唱我能和

大雪疊前韻

癡雲黑壓老屋破屋漏淋漓屢徙坐藥爐經  
卷失位置直似孤舟浪掀播豈無知心二三  
友各守妻孥不相過冷竈堪參破竈禪無生

可謁獅王座空倉饑鼠啾啾鳴拱手向人訴  
窮餓此時寒風散雪花片片飄來手掌大須  
臾瀰漫浩無垠暫爲世路平坎坷我涉世路  
太蹇躓袖手愧無生業作亦知閉戶非長策  
無奈出門多困挫長纜不受性命托生死何  
關勤與惰短童束腹無所爲坐隅終日垂頭  
臥漫將白雪比肝腸剖示肝腸能幾箇天爲  
袁安留粉本曲我右肱支我左茶烟斷歇薪

如桂安望衣裳酒痕浣山妻耽吟亦天性韻  
疊尖又興不那四方爲我招吟魂長歌欲代  
巫陽些呵凍更作歲寒圖梅寫女字竹寫个  
無米可憐難煮粥自咎反作不祥唾嗟予倔  
強空爾爲辛苦負此閨房佐大雪壓檐冰封  
井米鹽得失關弔賀況是光陰逼歲除索逋  
嚴於徵國課堦前漸看雪盈尺縛筭莫辭手  
足痺掃逕欲出復踟躕圭璧生平自琢磋閉

門且試療饑方細嚼梅花與雪和

東坡先生生日疊前韻

眞解憐才格應破奇才反向鍼氈坐英州惠  
州又儋州六十六載三遷播玉局仙去七百  
年彈指人閒小劫過掃雪烹作蛾眉水一盞  
寒泉薦高座祝公翩然躡屐來不循成例頒  
寒餓對公朗誦海外文百川原讓海爲大可  
憐煌煌蓮炬光不爲生平照坎坷當時宰相



誣周公不畏人天放手作餘殃直到章與蔡  
元甲南來國勢挫青苗散罷量公田傳衣戒  
重補袞情福華編成國遂亡蟀蟋聲裏人高  
臥細數遺禍討罪魁伐竹南山削作箇我公  
燭奸眼如炬偏敎才與命相左空持文章欲  
報國諷諫詩篇清淚流蟄龍睡熟呼不醒磨  
蝎坐宮恨無那喚作詩人公不受自言苦語  
不成些天生此老竟何意不遺趙氏臣一个

元豐若早相先生治平一決掌中唾養氣知  
言繼孟軻孝宗艱危思王佐渡海真成九死  
身吟詩便了六時課常州有田耕不得齒血  
如蚓悲困痺此日椒漿一室陳當年紗縠充  
閭賀錦水煎心海洗腸文字空教留燦磋嶺  
海閒煞經綸手呼起柴桑相唱和

坐城隅草堂觀朱鶴巢作畫疊前韻

飛瀑高懸界山破我欲對山終日坐鶴巢胸

中具邱壑筆底化工閒  
弄播水深疑有蛟龍  
游峯高不許猿猱過  
山裏人家靜掩扉  
中有詩壇結高座  
兔絲遶屋黃獨肥  
命托長鑱不知餓  
我欲搜身畫裏去  
畫中世界何寬大  
鶴巢擲筆忽大笑  
此中一樣有坎坷  
終南深深多白雲  
山中人取達官作  
誰爲烟霞作解嘲  
入山出山同一挫  
從來閉戶卽深山  
臥游何曾嫌嬾惰  
一室縱心游八極  
腹搖鼻息仍酣

臥向平婚嫁何時畢山人在山有幾箇眼前  
花月都輕放浪說名山計亦左我聞斯語如  
飲冰淨洗心胸塵土浣帟窻日透梅花影頓  
忘屢困窮無那拍手高唱遠游篇從來仙語  
不用些

用蘇句

人生去住愧禽鳥歸雁排人復

排个世閒富貴取不盡屠門安用空垂唾雲  
烟過眼吾何有有酒何須鹽豉佐君還作畫  
我吟詩得失存心能自課党家羊羔陶家茶

形神一例供勞瘁愚公移山未是癡塞翁失  
馬何須賀眼前且了筆墨緣不用精粗論切  
磋約君同入江山夢君作樵歌我漁和

歸垢山房詩鈔第四卷目錄

哭戴母

題洪澤園桃花春泛圖二首

送王煩亭隋賀園

燭米同淨因分韻

夏日同人桃花菴納涼卽拉菴僧西崖過

惠照寺訪心平上人觀其師誦茗和尚

遺集次方晴檐韻

夏夜桃花菴坐雨聽石莊和尚吹簫先機

上人彈琴二首

丙午春日和韻答張舊山卽寄方晴簷四

首

時在  
贛南

汪繡谷自楚歸作四絕句柬之

字余李貞女七十壽詩

陳孝子

輓楊媛

題門人牛培門僧宣澍畫冊二首

自題樹下跏趺小像

題碧岑女史龍女授經圖

有序

桃花菴夜坐

題家漢題馳馬圖

題張鄂樓詩冊有印記曰張桓侯後人

送臧斗南廣文歸里

題張鄂樓黃花詩酒冊五首



送朱立堂返琴溪二首

泥美人四首

戴雨峯招集同人泛舟湖上看牡丹二首

題張舊山吳中吟二首

壽江子屏母徐太夫人四首

太雪前二日集涉趣軒分韻

埽垢山房詩鈔第四卷

甘泉黃文暘

哭戴母

哀我成鮮民五載痛何恃  
椎心竟無補刻木求其似  
母有閨中友生平膠漆比  
豈但餽遺殷交勉法與禮  
及我外姑張聯行序雁齒  
繼繼二十年清音協宮徵  
中間異哀樂盛衰非一理  
遷徙有離合形迹無遠邇  
丁酉外姑歿

秋風萎蘭芷庚子恨終天不孝罪萬死額手  
望鑾江巍然靈光峙母儀嚴在斯瞻依得仰  
止哀訃忽飛來當食失箸七設祭告我母叩  
顙呼天只言念生平恩清淚下如泚差我懷  
清臺輝光通德里茹檠忘苦辛履冰無傾否  
植荆堦有花折荻灰作紙伯仲皆鴻才鑑亭雨峯  
聯翩看鵲起我亦濡慈雨愛之不啻子譽我  
獨角麟期我三月鯉伯氏品圭璋溫潤發奇

偉仲子才錦繡經緯竟端委昕夕招我游玉  
以石相砥堂上顧之樂殷勤語我妣諸子勉  
始終兩家互毗倚推丸期蟬蛻投膠煮鳳觜  
課讀自淪茗佐餐親陳簋其時方年少意氣  
各自喜縷心事詞章唾手視金紫落落三十  
年負恩竟若此日暮途方遠祭薄悲何已愧  
爾歐陽氏瀧岡表徽美生死路茫茫和淚寫  
哀誄縷覲述內言列傳待中壘

題洪澤園桃花春泛圖

天光染翠水拖藍  
綠樹青山三月三  
錦浪照花風正軟  
一帆紅雨趁春酣  
仙舟何處結鷗盟  
不與楊花共世情  
自有春生千尺水  
汪倫應爲踏歌行

送王煥亭隋賀園

紛紛聚散付長吁  
眞信人生若隙駒  
墨寶換鷺原太賤  
明珠彈雀本來愚  
最憐戴笠盟孤

館剛似班荆坐路隅歸去好尋猿鶴伴任他  
飽食有侏儒

煬米同淨因作

我聞上古民家具百不有燒石代釜甑米熟  
搏以手後世齊水火蒸炊論升斗糲者易爲  
饑熱濕理難久煬米制近古豈徒悅我口黏  
稻豐年多脫蠱釋洩洩旨蓄謀御冬活火煩  
中婦拌以金星砂攪用青竹箒微聞煊爆聲

滿釜珠璣走播揚功旣畢貯之甕與飮烈風  
從北來銷寒圖九九大雪壓門閭層冰封井  
臼出此雲子白珍重等瓊玖旣以飽婦孺且  
用樂朋友沃以百沸湯可代逡巡酒饑腸時  
一鳴不論卯與酉梅花消息近于囊驢背負  
試和花細嚼飄飄離塵垢嗟予守硯田負郭  
無良畝窮冬斷炊烟何以備乾糗長鑱覓黃  
獨憔悴在山藪哦詩有餘羨詎敢希豐蔀

夏日同人桃花菴納涼卽拉菴僧西崖  
過惠照寺訪心平上人觀其師誦笈

和尚遺集和方晴簷韻

廬山淨會結諸賢消暑閒來水竹邊入社不  
嫌陶令醉過溪忽破遠公禪四靈堪繼遺音  
在雙樹常存化跡傳留得阿難奉心印拈花  
還爲說因緣

夏夜桃花菴坐雨聽石莊和尚吹簫先



機上人彈琴

空堦點滴幻浮漚泡影何須問去留入夢江  
山原有約多情絲竹已忘憂相看直欲拈花  
笑到此纔成秉燭游悔煞生平太草草酒籌  
大半悞更籌

相逢無着與天親古調能存夜氣清不用鍾  
魚傳淨業直教風雨變秋聲柯亭底事求相  
賞爨下何妨畢此生我自觀空能入道最宜

經卷伴孤檠

丙午春日  
和韻答張舊山  
卽寄方晴檐

時在  
贛南

愛君貧徹骨  
勸我莫憂貧  
積軸一千卷  
抵禾三百囷  
檢方難辟穀  
讀畫易安身  
漫說春將老  
哀鴻尚未春

抱經憐幼子  
煮字笑山妻  
閉戶朝連夕  
謀生藿與藜  
荒雞知歲儉  
饑鼠學人啼  
社酒今年

貴誰能醉似泥

旱極原宜雨偏教苦雨多莫憂花事少其柰  
麥苗何嬾薙當門草勤牽補屋蘿眼中吾老  
矣斫地聽悲歌

共濟思良友相思欲白頭袖中藏短札江上  
有扁舟游子難爲夢佳辰獨倚樓飄零應念  
我修刺向誰投

汪繡谷自楚歸作四絕句柬之

君去湘江我閉門  
亂書堆裏自溫存  
水深不  
斷相思路  
曾見孤舟客  
子魂

世事茫茫總不如  
歸來篷背雪模糊  
問君記  
否毘陵路  
共拂氊衫覓酒壚

玉樹經秋太可憐  
栽培我欲問蒼天  
七千里  
路風和雨  
燕北湘南只一年

一縷茶烟一酒卮  
年來心事兩人知  
約君痛  
哭山中雪  
開到梅花已後時

字俞李貞女七十壽詩

涼飈奪炎歌激楚朝霜欲共白日語春風不  
吹井底水蓼中有蟲自習苦李家有女俞家  
婦壻未親迎遽聞計可憐灼灼天桃花化作  
亭亭松柏樹上拜父母下六媼衆証分明置  
此身殤鬼地下感真意白晝閃爍飛青燐此  
身堂堂立天地不敢毀傷輕割剗便將麻髮  
易紅妝生未蒙恩惟守義上堂洗手奉姑嫜

梨棗還來哺小郎壓線朝朝易甘旨金鍼羞  
爲繡死央禮法閨中型娣姒戶不目窺闕不  
履秋月春花等閒過原未知生只知死茹檠  
含冰年復年蕭蕭霜雪滿華巔祝得螺贏能  
似我差堪藉手報重泉重泉一閉無消息有  
婦人間供子職生前只稔閨中名入夢應憐  
不相識嗟嗟薄俗輕去就大閑愧此閨中秀  
烏頭棹楔樹坊表不愧千秋分俎豆長筵再

拜女中英只薦寒泉一盞清鳥爪麻姑原未  
嫁漫勞尊酒祝長生

陳孝子詩

君不見閭元明至孝慕親開親盲又不見崔  
承宗負喪跣足歸山東史冊彪炳傳孝感誰  
其繼者崇高風三原孝子太邱裔默與陰陽  
通關閉孝德精純天地知猛虎馴伏神明契  
晨昏日日總酸辛陟岵何從見笑顰心動不

勞親嚙指敢憚輪蹄惜此身策馬兼程晝兼  
夜剛逢父病眠官舍縮地空能轉地輪補天  
何術彌天罅呼號禱額日傍徨親煎廁禴藥  
親嘗術盡巫醫子力竭泉臺無路空茫茫扶  
匱萬里憑菅屨血淚斑斑雜蠻雨彩衣腸斷  
易衰衣白雲空認來時路山深菁黑路冥冥  
競競執紼痛伶仃負嵎膽裂逢於菟烈烈風  
吹草木腥此時忘生並忘死此時虎尾真能



履山君感此帖耳去僕人昇人汗猶泚雲山  
迢遞路漫漫終日扶持護一棺足蘭手龜皮  
月死歸途萬里報平安萬里歸來親負土三  
年廬墓忘寒暑手栽松柏列成行驚心風木  
添酸楚不敢身殉赴九泉堂前萱草冷秋烟  
終日投懷憐乳燕有時泣血又啼鵲茅容養  
母甘環堵暴客何來夜窺戶揮刃偏教慈母  
傷始信人心不如虎傷心不爲惜青氈忍看

血濺寢門前明有王法幽神鬼此賊何堪共  
戴天法爲誅奸賊就縛神爲封創貽上藥從  
來至德合人天純孝今看通冥漠嗟嗟末俗  
薄天親坊表猶能見此人不見祇今汾水上  
俎豆年年薦白蘋

輓楊媛

瑤花長謝春雲冷玉簡金環事杳冥蕙帳朝  
飛漠漠塵藥爐夜遶娟娟影刻茗鐫華記女

英縷冰琢雪想聰明玉瑱瑤席憑珍重未許  
龐廉接佩瓊前身原住瓊華闕密香傳語分  
明說夢裏惺忪識舊因聲聲春樹鳴鶯東  
風搖蕩摧蘭蕊啼臉辭春媽血紫仕女芳閨  
罷笑喧盡捐羅綺書哀詠

題門人牛培門僧宣澍畫冊

豈有文章著空餘山水緣巧將吾筆墨化作  
爾雲烟結構憑陶鑄清華見性天千秋泉石

意應爲老夫傳

積習多生在烟霞性所耽擬尋紅樹嶺小結  
白雲菴入世心多拙披圖顏亦慚故人空有  
約待我水村南

自題樹下跏趺小像

我不學疏伽河邊大樹仙拘尼律樹生其肩  
亦不愛鬱單越國曲躬樹樹下槃縈香草路  
憂慰禪伽鳥啄屍福力何曾關覺悟我生明

明有厥初雄在柔兆雌執徐陬月恰逢耗磨  
日火生水浴含眞如迄今三百三十六甲子  
日日蒸砂煮海水蜉蝣戴盆欲上山蓼蟲入  
芥失其始一朝樹起龜毛拂五部何須費詮  
釋畫師眞解墨磨人老衲幾曾鑪煮石安用  
取彼紫龍涎磨入光明繪草實旃檀不能寫  
梵音三十二相亦仿佛況此草頭樹下兒位  
置底須煩乙乙身中難描舌與意慚愧尚有

眼耳鼻

題碧岑女史龍女授經小像

碧岑江子屏之妹得奇疾誦華嚴經  
而愈圖乃鐵簫生所畫天風海濤之  
中蓮葉挺生古佛趺坐其上碧岑作  
龍女妝奉經御風而行侍女執羽扇  
隋其後頗極偉麗之觀

本來空空說卽有四大海在老僧口本來無

有說亦醜一卷經在龍女手何不緘口虛空  
住一刀斫斷菩提樹何不撒手虛空行須彌  
推倒填滄瀛辛苦誰聚九州鐵卻鼓天風鑄  
蓮葉我相人相銷不盡佛亦煩惱求寂滅人  
生原是可憐蟲血性難消萬古紅聰明不關  
眼耳事滔滔智海何時空侍女大笑揮羽扇  
扇起波濤散作靄黑風吹滅智慧鎗天帝下  
與波旬戰古佛下坐劫海乾此時纔識洪荒

面香海原在洪荒外造化何從立根蒂請君  
便從香海住地水火風任狡獪

桃花菴夜坐

黃狐拜月四更時螢火光青鳥遶枝世上可  
憐白日短輸他鬼唱鮑家詩

題家漢題馳馬圖

安得驍騰有如此快意橫行一萬里馬蹄踏  
雪銀碗翻狐裘欺風玉鞭駛回頭立馬萬山



低漠漠黃雲望裏齊兩戒遙分烟九點一線  
河流蒲類西丈夫意氣輕餘子眼界胸襟差  
自喜讀書要須兼射獵安用埋頭理故紙披  
圖似見曹景宗鞭逐電影馬追風手中霹靂  
鳴雕弓一發直貫封豕胸據鞍大笑真英雄此  
時有酒直須醉髑髏如斗當酒器此時有愁  
百不愁金印如斗取封侯迴轡直將峻坂下  
不用懸崖思勒馬漠漠風沙一道開所向原

無空闊者

題張鄂樓詩冊冊有印記曰張將軍後

人

千秋我愛張車騎奕奕乾坤露英氣橫矛瞋  
目戰雲黑百萬雄師迴馬避生平知己嚴將  
軍斫頭便斫怒何爲國士惟應髯並肩不教  
孟起爭頭地邇來寂寞二千年柔腸媚骨紛  
爭妍我友鄂樓孫象祖意氣直透長矛巔馳

馬燕臺已十載何時功業銘燕然蟠胸奇氣  
遏不住筆端飛出十丈連我讀新詩憶爾祖  
真見桓桓氣如虎此詩如虎亦如龍絢然五  
色雲相從想爾狂吟亦痛哭收拾雄心歸一  
軸斯人底事作詩人開卷爲爾拂詩塵塵開  
百尺肝膽裂觸起心頭舊時熱遙遙遠祖溯  
桓侯私印傳家鑄以鐵繆篆五字硃砂紅疑  
是斑斑戰場血猛將當年比灌滕張黃馬趙

舊齊名若從孔李通家例爾我相逢本弟兄  
老兄衰頽嬾策勵青眼高歌望吾弟

送臧斗南廣文歸里

君不見壯歲登科宋梁顥世人誤說登科老  
又不見胸中長劍桑民懌少年却註老年籍  
世事顛倒何所無瞋眼看朱翻作碧斗南先  
生氣軒軒鴻文鳳羽待高騫堆盤苜蓿官偏  
冷痛飲高歌道自尊梧檟紛紛雜楠梓選材

何處分臧否竟將下考署陽城隨例引年教  
致仕索驥從來只按圖相馬何須先問齒先  
生拂袖意陶然收拾琴書共一肩歸去何須  
問酒價家有南村種秫田

張鄂樓客都門與其宗人潛齋唱和潛齋  
有句曰開到黃花故意遲鄂樓亦有句  
曰瘦比黃花獨耐秋兩人者互相激賞  
因繪爲黃花盃酒圖鄂樓拈潛齋句作

輓轡格詩五首書于圖後予亦用鄂樓  
句仿其詩格題之

瘦比黃花獨耐秋且憑詩酒結綢繆天涯兄  
弟通情性歲晚冰霜共唱酬但許百壺供醉  
卧便開三徑擬歸休編籬插棘成經濟留取  
年年續舊游

春華刊落掃閒愁瘦比黃花獨耐秋籬下何  
曾能寄我杯中差喜許埋頭自憐心似南山

遠不礙蹤如北雁留值得尊前開口笑相逢  
本似漆膠投

莫憶江湖汗漫游一園風景似南洲影追白  
日同爲客瘦比黃花獨耐秋塵世艱難催我  
醉歲華容易上人頭採來仔細傾杯賞不遣  
飛花浪作愁

葛巾差可漉新笏笑煞龍山束帶游煉骨底  
須求上藥浮生只合老糟卽狂傾白墮聊消

日瘦比黃花獨耐秋結得素心堪作伴燕臺  
便合十年留

何必尋芳杜若洲西風常爲晚香留山中醉  
喜能千日盤裏鯖羞聚五侯適興酒盃人意  
合印心詩句友聲求畫圖今日應添我瘦比  
黃花共耐秋

送朱立堂返琴溪

世事不稱意飄然返故山何須尋赤鯉自解



駐朱顏坐月詩同冷眠雲夢亦閒懷人看舊

稿一一手親刪

立堂所著在識軒集和陶集杜詩皆余刪定

老我猶塗抹登場又賣歌自憐前路迫更覺  
別情多安得解塵網從君着雨簑琴溪共小  
艇終日對烟波

### 泥美人

身出汗泥未可誇憑誰裝點玉無瑕莫教娶  
婦逢河伯只合搏人學女媧檢盡花田香作

印碾開綺陌鈿爲車黃金只鑄鴟夷像別寫  
芳徽慰怨嗟

此鄉誰與號溫柔默默無言自寫愁傳粉空  
教爭艷冶團沙未許強綢繆嬌姿合換渡江  
馬芳訊休憑入海牛后土夫人原有配綠衣  
年少最風流

生長須知舊有村不擡身價入朱門劫灰到  
底留餘恨芳草多情共本根莫說調和由水

性可憐塵土是花魂  
瓣香合供青溪廟  
莫與眞眞一例論

就裏埋憂意自深  
塵中誰與結知音  
殢人妖態傳空色  
入地仙形煉太陰  
千古紅顏同幻相  
一坯黃土寫傷心  
化身何必山頭石  
雨意雲情總不侵

戴雨峯招集同人泛舟湖上看牡丹花  
在座十人皆三十年舊雨也林苑西

分箋索詩作此應之

花前共上木蘭舟故友相逢半白頭疎雨侵  
簾歸舊燕春風吹水聚閒鷗依依形影同今  
夕歷歷生平數昔游再到已成真率會鬚眉  
入畫更風流

卅年聚散各天涯尊酒相逢一嘆嗟三月韶  
光歸落絮半生蹤跡等搏沙漫疑夢裏江湖  
路且看人間富貴花此會他時成故事莫教

古詩集卷之四  
三  
容易夕陽斜

讀張舊山吳中吟有感卽用其與江子

屏倡和原韻

客裏逢春又送春可憐草草是勞人東塗西  
抹原堪笑北斗南箕本不眞已判年華歸草  
木莫誇夜氣識金銀網羅未必求麟鳳輸我  
冥鴻作外臣

翩翩李郭泛仙舟特地蘇臺汗漫游只有篇

章誇繡虎更無消息問泥牛最憐當酒頻看  
劍莫爲懷人又上樓我是舊時鴝鵒伴好來  
同玩水雲流

壽江子屏母徐太夫人

中吳懿範秀閨房作配名賢五世昌隻手持  
家扶弱祚九經教子啟巾箱最憐孝筍依慈  
竹跼見蓀蘭襲祖香愛日南陔逢化日綵衣  
錦悅兩堂堂

莫怪霜華兩鬢侵艱辛半世歷升沈漸如啖  
蔗逢佳境久已尤熊記苦心伴讀臬麻添手  
繭留賓鷄黍典釵金東南壇坫蠅鬚館子屏  
讀書  
處壓卷先刊女史箴

卜居怪底勝蓬瀛仙籍由來著玉京無數山  
光呈屋角一家人影盡書生雄文滿篋爭千  
古亂帙盈牀抵百城椒桂相聯名士起膝前  
兒女總知名子屏碧  
城兄妹

白頭子姪久顏唐老卧江鄉與世忘卻病惟  
知尋紫鞠相人深愧說黃裳欣逢令子交三  
益遙拜吳門進一觴夢裏好山曾有約幾時  
扶杖一登堂

大雪前二日吳栢槎招同人集涉趣軒  
卽事分韻

幽軒開小徑琴書得位置其前接南榮綺窗  
愛周綴其後起高閣草元學奇字其中藏複



舍逶迤寫靜邃曲廊跨小池憑檻觀魚戲愛  
此咫尺間頗有滄洲趣其旁設丹梯循欄護  
失墜上爲百尺樓金石秘珍異几案淨無塵  
花樹發鮮媚世傳倪迂癖不許唾點地紛紛  
塵中人孰敢窺清閨主人偏好客折柬招同  
類淡蕩八九人衣冠太簡易見相握手笑長  
揖入廳事其時爲仲冬候近日短至尚有鞠  
百盆棐几巧位次其花細剪綵其葉深鏤翠

觀此晚節花未飲心已醉茶罷入層軒許客  
探粵秘周旋曲折間一一如人意思其經營  
時尺地不肯棄有如愛奇士惟恐失交臂所  
以座上賓如列瑚璉器而我斗筭人慚愧亦  
濫廁況復酒戶小鯨吸驚奇恣抵盃雜詼諧  
數典披腹笥抑或出卮詞神仙雜鬼魅我亦  
搜枯腸搔首苦強記聊以佐談鋒安敢拔酒  
幟酒闌月正明花影互軒輕主意太殷勤客

吻已辟耳揖別訂後約良會重延企